

# НОВИ РУСКИ НОВИНИ

ЗА РУСИНОХ У КРАЛЪОВИНИ СХС

Виходза раз у тижню.  
—  
Цена на цали рок 100 Динари.  
На 1/2 рока 50 Динари.  
За Америку 4 долари на рок  
—  
Рукописи и други писма треба  
посилац на адресу:  
„РУСКИ НОВИНИ“ НОВИ САД  
Бојовићева улица број 2.  
—  
Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

Рок IV.

Нови Сад, пятък 16. децембар 1927.

Ч. 49 (156)

## Вироисповидна школа

Найвекши вплив на виховане човека ма школа. У школи ше човек вихуе и образуе. И према тому, кед школа добра, вихова и добрих гражданох, як школа недобра, вихова злих гражданох. Бо якого духа достане дзецко у школи, таки будзе мац през цали свой живот. Зато ше у нешкайшим швету бие бой, яка ма буц школи, чи виросповидна, чи иншака. Либерали, безвирци, большевики сцу, да будзе школа без релігії, вони сцу, да людзе не буду вецей людзе, але статок. Католици заш стараю ше, да школи буду виросповидни, дзе би ше дзеци виховали у правдивим релігійним духу. Особено тот рух за виросповидну школу вжал маха медзи католикама у западних державох Европи. Там родителі без прерви виявлюю на численних собранийох за виросповидни школи. И то зос шицким оправдано. Ми сцеме, да и нашо дзеци буду таки исти добри християни-католици як и ми, а то можу посцигнуц лем у католической школи.

Христова релігія дала людзом найвецей, дала ім шлебоду, закон чловеческе достоїнство, вона вше брані законности. И хто сце релігию, Церкву, Христову науку видрилїц зос животога народу, тот хпа парод до препасци анархиї, нешору.

Министер Франциї Сен Симон виявел таки слова: „И я кеди помагал вируцовац крижи зос школах, але т-раз я би рад назад принес до школах, бо од того часу од кеди вируцено вилігию зос школи, виховую школи злодійох. Нешка у Францускей ходзи половка (50%) дзедох до католических приватних школах. хтори

сами родителі отримую, хоч су у каждим месту державни школи, але у хторих ше вироснаука не учи.

У безвирских школах дзецко ше погуби, постае безвирцом. Без релігії нет успишнога вихованя.

Релігія дава людзом велику подпору. Народ хтори ест релігійни, тот ше розвива, моцнее, постава жилилави у животней борби, а народ без вири фришко препада. Ту приклад Талияне хтори побожни, релігійни и зато ше множа, ширя, и маю свою велику, моцну державу. Вони маю велику будучносп. Ту су Поляци, Шпанци и наш релігійни народ. Смутни примир су Французи, хтори уж 100 роки жию у безвирству. И зато вимераю. Число жительство у Францускей уж давно стої на истим месце, а у найновшим времену уменьше ше. Далей таким страшним прикладом е большевица Русия и Украина. Там большевики дораз на початку, як пришли до влади християнске винчане заруцели, а человек и жена „порозумивали ше,“ кед сцели ведно жиц. Але народ ше на тот звирячи способ барз гнівал. И теди большевики уведли цивилне „винчане“. Тераз е так, же рано ше „повинчаю“ а на вечар кед едно другого не сце розходза ше. И так кажди дзень и нет тому конца. И многоженство большевики не забранюю. Ест, як пишу сами большевицки новини, людзе у Русии, хтори маю по вецей женох, по 20, а еден мал до тераз (до 10. априла 1926. р. як явля большевицка „Правда“) 118 жени.

До того приходзи, кед людзе одпадно од Бога, кед християнску релігию одруца, кед ненависц на

Церкву ше угнїздзи у людских шерцох.

Лем едина християнско-католическа релігія, Церква ма можносп отрмац людзох на висини чловеческого достоїнства, указац

людзом, же су Божи створеня и у своїх католических школах виховац на добрих, релігійних, хасновитих членох народу и держави.

М. Ч.

## У нашом отечеству

### Политическе положеніе

Политическе положеніе випатра стаемне гоч у радикалней партиї сцу пашичевци да приду до векшого впливу Вони би прето жадали зволац конгрес партиї т. й. своїх прихильничкох и на тим конгресу одсудзиц дотерашню роботу министра Вукичевича. Медзитим Вукичевич не пристава на то да Пашичевци зволюю конгрес, але го вон звола сам кед пренайде, же за то найзгоднейши час. Политически круги занімаю ше зос авдівицию Люби Давидовича при його Вел. Краљу па ше бешедуе, же вон ишол, да ше вимири зос политику Маринковича, и же да не роби влади чежкосци.

### Кельо будзе министрох

Одбор, котри роби на зменьшаню министероох одредзел, же наша держава у будуще будзе мац 12 министероох место 17 як цо до тераз було. На тот способ ушпоруе ше велика сума пенежи.

### Проци державна организация

Школяре високих школах у Южней Сербии основали одну революционарну организацию, котра мала за цель одорвац часи Македонии од нашеј держави и припоїц ей Булгарскей. Суд у Скопљу одсудзел 9 членох теј организации на цемницу и то двох на 20 роки, едного на 10 а пейцох на 5 роки.

### Цукрова цвикла будзе драгша

Министер польопривреди Станкович, звола засицаніе фабрикантох цукру и садителюх цукровой цвикли. Вон потолковал, же нешкайши цени цукровой цвикли за мали и не

одвитую предвоенским ценом. Цукрова цвикла мушела би буц 30—40 дин. по метеру а фабриканти ледво плацаю 20 дин. Прето поволал министер фабрикантох, да ше поеднаю зос садителами, бо кед не зосцу теди вон сам вежне до заштити земледїлцох и одредзи вежшу цену. Дал им термин до стреди.

### Чудо у церкви

Як новини являю у парохіалней церкви у валале Клоштар догодзело ше чудо под час вечерни. При виставеней пресв. Евхаристии претворела ше хостия на лик божественого Спасителя. Чудо видзели шицки, котри були присутни у церкви.

### Одважни Рускини

Прешлого року 4 нашо шмели Рускини зос Новей Дубрави (Босна) не допусцени да православно поп, руски емигрант якиш Мойсієнко похова до нашего теметови одпаднеох од нашеј греко-кат. Нападли на Мойсієнко и вон их тужел суду. Того мешаца була расправа, котра оддалена пре нови докази. Поп Мойсієнко криво творел кресцени писма и будзе придани суду. — Чест нашим вирним Рускиньом, котри за шлебоду своей вири и за правду знаю и сцу церпци.

### Угле за железници

Медзи нашим угленокопами и управу державних железницох пришло до спорозуму, по котрим нашо железници не буду куповац угле индзей але у нашеј держави. На тот способ работници при угленокопах буду мац работи а железници на досц углю.

### Процес котри тирва 54 роки

Едни новини з Београду принесли, же суд у Шабцу послал на векши суд до Београду туж-

бу, котра задата 1874 року. Вона ше не могла скорей довершити бо вше дахто хибел од странкох, и адвокати зааговали. Уж и людае, котри тужбу задали поумерали, а тужба тераз лем пришла на векши суд. И так тот процес тирвал до тераз 54 роки, а кельо ище будзе то незнаю.

## Апарат, цо ше сам обраца

Министерія торговли тих днюх дала патент на еден апарат, котри ше сам од себе започне обрацаи и робиц. Вон працювал над нїм 7 роки. Винаходитель апарату вола ше Хайдарович. Вон винаход и бициклу, котру мож и поводи гонїц.

## Човек як культурне битіє

(Преподаванїє, отримал М. А. Поливка, у Р. Керестуре 30. XI. 927 у клубу Земледїлцох)

За човека перша и найотребнейша наука, да упозна сам себе. То ест темель и опщей людскей культури, бо человек може опредїлиц цїль своей жизни лем так, кед позна себе. А нста тотата е початна наука и економству.

### Човек як чувствителне битіє

Кед померкуеме сами себе, и свойо положенїє у природи обачиме, же ми маме тїлесни чувства през котри природа ма вплив на нас зос своима различнима появами, — и през котри и ми обачиме и береме до знаня появи природи. На пр. шветлосц, цма, треск, музика, запах, сладосц, горкосц, тепло, жима су появи природи. Вони маю вплив на нашо чувствителни средства, т. е. на очи, нос, уха, язык, нерви с котрима и ми их обачиме, и реагираме на нїх.

Правда, же исто тото обачиме и на животиньох. Але док животинї лем уживаю приятни, чувствїя до теди человек енергично роби

на тим, да приятни чувства за-трима, а неприятни да уничтожи. Нпр. цо год человек лем видзи, чує, т. е. обачи у природи, цо е за його чувства приятне, вон го дораз малює, струга, формира, да вони му цо вецей служя; а неприятни впливи природи, як цо цма, смрад, горкосц, жима и т. д. баш го раздражаю, да их не черпи, але да их уничтожи, и да на место нїх створи за себе приятни чувства.

С того видзиме, же природна акция у человек виволує реакцию, борбу, котра ше виражує у каждодей роботы человека. Человек зос роботу уничтожує неприятни, и ствара за себе приятни чувствїя.

Човек ше розликує од обичних животиньох уж и у тїлесних чувствах. Животинї не способны да робя вплив на природни появи зос своима тїлесними чувствами, и так у своей жизни у дїйствїях не показую нїяке напредованє. У тое дзе ше появили у природи (на сухой жеми, у води, у воздуху): там жне и вешка, и як инстик-

тивно дїйствовало у початку, кед ше появило у природи, так дїйствує и тераз. А человек?.. Человек ше появел, и жил у початку лем на сухой жеми, а вешка, вплив по води, лета по воздуху. Напредує непрестано, и хто би знал вешка повесц, же у далекей будучности цо ище вимудрує, винайдзе.

### Човек як духовно моралне битіє

Такє тїлесне дїйствїє человека шведочи, же у нїм, существує и друга, — самостойна — и совершенна сила, котра управля тїлесни чувства а таким начинном оспособи человека на таки дїла, яки други животинї не можю показати. А то е дух (душа).

Духовни чувства ше являю человеку у думкох, у шлебодней волї а найбаржей у розуме, котри источник различним идеям (правда, доброта, милосердїє морал, и морална красота).

Розум не приїма през примедби ані природни, — ані дружтвени появи. Вон глєда шицкому причину, дослїдує и установлює мнїня правди. Словом розум одстранює зли, — и виволує добри душевни чувства, т. е. правду, доброту.

Воля человека воошце барз склона на неограниченосц. Вона часто понукує нас и на не добри дїла. И да ми през рассудка вше идземе лем за нашу волю, употребели би зме вельо раз и не правду, зробели би зме и кривду нашим ближнїм, лем да свойо себични захтеви задоволимє. Але там е розум. Його е тотата задача, да управля зос волю, и да ю зроби морално шлебодном.

Кажди разумни человек ма свойо илеї. У тим згяду ест

розлика медзи нами лем тотата, же людае, котри су культурнейши, маю више образованє и племенитше духовне воспитанє. — маю вецей и племенитших идеяох.

Духовни идеї непрестано нукаю человека, да им да вираз по потреби зос словом або з дїлом. Нпр. кед человек видзи, чує же ше роби дагдє несправедливосц, дакому кривда, у нїм ше нехотимично возбуди напор, да процив того поступи зос словом або з дїлом. И кед му пойдзе за руку кривду одстранїц, односно правду обранїц, вон ше чувствує задовољним. Духовни идеї исто так як и тїлесни чувства захтеваю да их задоволюеме.

Дакле видзиме, же человека два сили, — т. е. тїлесни чувства и душевни идеї, — наганяю до роботи. Зато розумни человек не може жиц през роботи. Цо-то, але роби непрестано. З роботу задоволює свойо различни тїлесни и духовни недостатки, захтеви, и так ше совершава, культвира. Але да культура одвитує человекому достойнству, треба да человек культуры будзе штрєдок духовна культура.

### Човек як друштвене битіє

Човек, як цо е у свойм возрасту наймогущнейше найсовершенейше, — исто так у дзецинству е едно од найнемогущнейших битийох. Вон би у дзецинству загинул без дружтвеной помощи. Вон ше може вховац тїлесно и розниц духовно лем у дружтву. Зато человек не шме буц себични. Не шме думац лем на свойо задовољство. Треба да му непрестано стої

## ФЕЛЬТОН

### З драги до Галиції

Дня 22. новембра сцигнул сам до Львова. Жима тварда — 8° под нулу. Шицки желїзницї мали вельки запознєня пре запухи. Витор дул цалу ноц и цали дзень.

### Львів.

Львів то найвекше место у Галичини. Основал тото место Руски княз Лев и воно донешка ноши по нїм свойо мєно. Вешка ма Львів вецей як 200.000 жительох. Од того ест ту Українцох коло 45.000, а остали по половки Поляки и Жидзи. — У тим варошу биваю троме архїєпископи: наш, латиньски и ерменски. Львів ма вешка у свойх школах коло 10.000 українских ученїкох и ученїцох. Ту ше находзи 5 нашо парохїи и 7 други нашо церкви. У тим варошу находзи ше штрєдок шицких культурних и господарских українских організаційох.

У остатнїх часох українски ше народ барз дзвига, гочь го вельо преганяю. — Интелигентни Українци вельо робя на шицки боки, да подзвигну свой народ. У Львови находза ше шицки українски школи од найвиших до найнїзших. Ту сестри Василиянки провадза народни школи, женьску препарандїю и гимназію. У гимназії поучує ч. с. Софронїя Ерделї, перша наша сестра Василиянка. У Львови находзи ше на богословїї 170 богословох, котри ме готую на священїческу службу. Ту уча двоме богослове з нашей епархїї: Буїла и Дудаш. Метрополит Шептицки подзвигнул и о свойм трошкѹ Музей, купел пред войну за 700.000 К. красни дом за школи и даровал го Василиянком. Ту вельо робя Василияне, Редемптористи, котри отримую свою гимназію и семинар. Ту ше вельо трудза Студити, потим сестри Служебнїци и други сестри. У тим варошу пребива и вельо роби пановец др. Костелник. Вон поучує

богословох и ученїкох у гимназії; вон капелан при Преображенскей церкви; вон видава церковни новини и вельо роби на шицки страни.

У Львовє находзи ше прекрасна катедрална церква св. Георгїя и други стародавни церкви. Ту отворел метрополит народни шпиталь пре бидних и худобних, дзе доставаю дармо ліченє и помоц.

Най будзе за тераз досц о тим варошу.

Зос Львова пошел сом до Жовкви и Крехова. У Жовкви маю отци Василияне свою друкарню и видаваю „Місіонар“ и вшелїяки други повинки и добри кнїжочки. Вельо и вельо езри кнїжочки розишли ше зос Жовкви по цалим швецє. Сам „Місіонар“ росходзи ше мешачно у 25.000 и то уж 25 роки.

Ту доставаю отци Василияне новини зос шицких странах швета на вшелїяких языкох. Барз ми було мило чуц, кед нараз тромє: Игумен, редактор Місіонара и еден трєци монах виведли слова.

„Єдни од найкрасше редагованих новинох то Руски Новини. Ми їх вше читаем и вельо зос нїх береме до наших новинох“.

У Крехову находзи ме новицїят чина св. Василия. Там 50 младих новинкох готую ше за монашески живот. Красна то заградка Божя, до котрей Бог поволал свойо избрани души.

На сам празник св. Йосафата одслужел сом горжествену Службу Божу в чесц Святому и препоручел сом себе и шицких св. Йосатови, да нам вимодлі дарживей святей вири, яку йому Господь Бог дал.

Зос Крехова врацел сом ше назад до Львова на другу роботу. На тей драже провадзел ме Митрао. Базюк, котри бул у Босни. Апостолски Администратор, а тераз е каноником у Львовє.

Най будзе за тераз досц о тим. — Кед Бог поможе напишем и далєй.

пред очами, же вон ше ма од-  
лужиц дружтву. Вон ше ма  
трудниц и за задовольство сво-  
його семейства (фамелїї), своих  
сродникох, приятельох, сройому

опществу, держави и за благо-  
стане цалого рода чловецко-  
ского.

Тота 6 задача чловека, ак  
культурного бития.

## ШИРОМ ШВЕТА

### Чесна шестра спашела 68 дзеци

Страховити огонь зніщел тих  
дньох вельки широтинец у ва-  
рошу Бернардвилл (Америка).  
Єдна шмела шестра Габріела  
спашела 68 дзеци зос огню. Єї  
самей удало ше винесц 68 хлап-  
цох док страшни огонь под єї  
ногами и над главу лігал зда-  
ніє. Троме лем хлапци згорели.

### Число паломникох до Лурду

На агенції Лурдскей видато  
600 тисячи паломницьких кар-  
тох лем до конца мешаца ок-  
тобра. Кед ше рахую ище па-  
ломници до конца року па вец  
тоти котри приходза пешо и  
на кочох, можеме шмело по-  
весц, же их число виношує 1  
миліон.

### Большевики против жидох

Познато було, же руску рево-  
луцію створели жидзи и вож-  
дове комунистох були жидзи.  
Медзвит руски народ обачел до  
чого вони Русию запровадза,  
та ше их почал отресац. Най-  
перши зос влади вициснули  
главних жидовских агитаторох,  
як Троцкогго, Рикова, Каменева  
и т. д. И teraz дума против  
жидох вошла до пицких кла-  
сох руского народу.

### Проци безчесним кніжком

Влада у Ирландії видала на-  
редзене, же нїєдна нїїжка бес-  
чесного содержания нїше ше  
друковац у жеми, а исто так  
не шлебно дац принесц од  
инкадзи. Кед би так шицки  
держави одредзели фришко би  
ше пришло до полєпшеня со-  
временого дружтва, бо безбо-  
жни и безчесни кніжки и но-  
вини найбаржей губя людзох.

### Злога немецких католикох

Од 1920 року велька катол.  
партія Центрум була подзелена  
на 2 части. Прето катол. фронт  
бул слабши. Тих дньох ше заш

соединели, але так да обидва  
части маю своєю окреме вод-  
ство а виступовац буду ведно.

### Шмели чловец

Новини являю, же єден шме-  
ли чловец зос Шпаниї як по-  
знати добри пчолар тих дньох  
(у Шпаниї не так жимно) до-  
пустил да на його главу шедне  
цали рой пчолох. Кед ше пчо-  
ли змирели, вон их крашне  
пренес до кошніци.

### Порціово терхи у Америци

Европейска статистика пор-  
ціових терхох указує як у да-  
єдних державох стоя жителе  
под тим згляном: Так у Ан-  
глиї припада на єдного жителя  
према бюджету 3540 дин. Фран-  
цускей 1.173, Австриї 1244, Ма-  
дьярскей 903, Италиї 720, Че-  
скей 632, у СХС. 593, Поль-  
скей 546, Румунїї 97.

### Прелїгнул писмо

У Берлину влапела полиція  
якогош Павла Райнхерта, котри  
зберал дарунки на политиче-  
ски цилї. Вон гварел, же на  
то ма писану полномоц од ми-  
нистра Хенкера. Кед полиція  
сцела вжац тоту полномоц од  
нього, вон ю прелїгнул. Утвер-  
дзело ше, же вон писмо криво-  
творел.

### Найдлугши тунел у Чехословакиї

У Чехословакиї започню бу-  
довац тунел на железници Ган-  
дльова — Горня Штубна, ко-  
три будзе длуги 3100 метери.  
То будзе єден од найдлугших  
тунелох у Европи. Будованє  
будзе тирвац 3 роки.

### Седище Союзу народох

Бешедув ше, же Союз наро-  
дох ма пренесц своєю седище  
зос Женеве до Видна (Бейч.)  
Австрийска влада сче дац Со-  
юзу Народох на послугу до-  
вольне число бувших царских  
палатох.

## Преслава св. Йосафата у Львовє

Незвичайне рушанє було  
нешка на празник св.  
Йосафата. Архиепископска  
церква св. Юриа була пол-  
нючка полна людзох и по  
цалей церкви, котра єще  
у осемнастим столїтию бу-  
дована, було чуц шептанє  
и допиткованє: Хто то?  
Цо то за владица?

Панотцове припровадзели  
пред олтар преосв. вла-  
дику нашого Кир  
Дионизия, же би пре-  
славел торжественно дзень  
святого, котри 1623. року  
прецерпел як Архиепископ  
Полоцкимученическу шмерц  
у Витебску за зєдиненє  
церкви.

Медзи численим священ-  
ством бул и познати нам  
преосв. о. А. Базюк, був-  
ши апост. администратор у  
Босни и Херцеговини а  
диякопирал наш поет п. о.  
Др. К. Костельник. У аси-  
стенції були и нашо двоє  
млади богослове М. Буила  
и Г. Дудаш.

По прикладу св. Йосафа-  
та стараю ше шицки гре-  
кократ. епископове, же би  
цо баржей ожило вирске  
освидомленє медзи их вир-  
нима, и же би ше наш во-  
сточни обряд цо чистейши  
зачувал и зато ше тераз  
сходза ту до Львова ши-

цки на владически засида-  
нїя. Тоти засиданїя буду  
вещей як тидзень тирвац.  
Початок будзе 29. XI.  
— започали ше зоз моле-  
бном, на котрим уж маю  
буц шицки владикове. Най-  
перше пришол наш, вец аме-  
рикански и шицки украин-  
ски. Присц ма румунски,  
булгарски и прїшевски.  
Будзе шицких ведно дас  
12-ме. Бог най благо-  
слови их роботу и пошле  
на нїх свойого св. Духа.  
— У идуцим числу будзе  
о тим вещей.

М. Ф.

## Жертви большевизму

У церкви Спасителя —  
у рускоправославней кате-  
дралї у Нюйорку єст єдна  
каплїчка „Жалосна Русия“.  
На муροх єї єст надписи,  
на котрих пописани жертви,  
цо пострадали од больше-  
викох. Там пише: Больше-  
вики забили: Руску царску  
фамелию, 31 владику, 1560  
панотцох, 16367 студентох  
и професорох, 34585 учи-  
тельох, валалцох и других  
чиновникох и дохторох,  
79.900 намештеникох и чи-  
новникох державних, 65890  
богаташох инемешох, 56340  
официрох, 196000 роботні-  
кох, 268000 катонацох и  
морнарох, 890000 парастох,  
цо ше процивели червено-  
му войску, кед их гарало.  
Тошицко вещей як 1,300.000

жертви зоз шицких станох.  
А чи ше рушела на то  
голем дакус Европа або  
Америка? Лем треба по-  
ровнац терашні вистки о  
осудзених анархистох у А-  
мерици зоз незастараносцу  
за безчислени жертви боль-  
шевизму и чловец може о-  
ценїц нашо терашні часи.  
У остатних тижньох влапени  
45-ме панотцове и одвеже-  
ни су до Сибириї, бо ше  
старали, же би ше вирски  
живот заш дакус возбуди-  
зел. Людзе, спомедзи ко-  
трих панотцове, правели  
демонстрації, але задармо!  
Наново чури крєв у Русії,  
а швет ше ані не удиргне  
на тоти страхоти у боль-  
шевицким „раю“.

М. Ф.

## Чи нашо новини можу буц туньши?

На нашо новини вше ше  
даєдни поносою, же су за  
драги бо коштаю 100 дин.  
рочне, а други новини вельо  
векши и туньши. Причина  
томе у тим, же нашо нови-  
ни маю барз мале число  
предплатнікох, а цо ве-  
щей предплатнікох  
то новини можу буц  
туньши. Ми то уж и я-  
вели, же кед би мали 1000  
шорово плацаюцих пред-  
платнікох, же би новини  
могли буц вельо туньши. Ме-  
дзитим наш глас остал „вопи-  
юци у пустинї“. Не прї-  
явели ше нови пред-  
платніци а стари не  
шорово уплацую, та  
Як вец да буду туньши?

Єто: Шицких предплат-  
нікох до тераз маме 695.  
Од тих длужникох 191.  
Шицких даклем цо  
шорово плаца єст  
504.

Кажде число новинох кошта

нас 1236 дин. зос шицкими  
трошками т. й. штампарія,  
пошта, редакція. До рока ви-  
ходза 52 числа, а то кошта  
 $1236 \times 52 = 64.272$  дин. Од  
504 предплатнікох достаню  
новини  $(504 \times 100) = 50.400$   
дин.

Тераз най кажди  
себе сам да отвит,  
чи нашо новини мо-  
жу буц туньши чи  
нє. Не треба забуц, же  
нашо писателе пишу и  
робя задармо, а то хоч  
кельо од нїх крашне и  
племенито, ипак швечело  
би ше, да их трудба будзе  
наградзена. Теди би и  
нашо новини були и содер-  
жанїєм богатши. А то би  
шицко могло буц лем теди  
кед би ше наш народ упар  
и кажда хижа голем пред-  
плацела Руски новини!

У новим року з нову  
силу! —

